



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.31. Legatio ad novum Imperatorem Græcum.

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

tos stipe ludibrio habebat, simulatores pietatis, præcursores Antichristi, concionatores mendaces, blandos Regum ac Principum consiliarios nuncupans, arguensque, quod pastores ordinarios spernerent, sacri tribunalis fidem fallerent, ac peccandi audaciam foverent, incognitas sibi provincias percurrentes. Ita loquitur Matthæus Paris Religiosis Mendicantibus parum favens.

Sæcul. XIII.

A.C. 1256.

§. XXXI.

Legatio ad novum Imperatorem Græcum.

Interim Papa Alexander Episcopum Urbevetanum ut Legatum ad novum Imperatorem Græcum, qui Theodorus Lascaris vocabatur, misit, negotium de conjungendis Ecclesiis cum ejus patre Joanne Vatacio cœptum resumendi gratia. Mandatum vero, quod Papa Legato dedit, continebat primo puncta, quæ Vatacius Papæ Innocentio IV. proponenda curaverat, scilicet agnitionem principatus sanctæ Sedis & Papæ supra omnes Patriarchas cum jure præsidendi conciliis; Græcorum Clericorum, qui per Præfules suos se vexatos crederent, libertatem appellandi ad Romanam Ecclesiam; quæstionum, præsertim fidei, quæ inter ipsos orirentur delationem ad Sedem Apostoli-

2. ep. 325.

ap. Rayn.

n. 48.

Vading. n. 61

postoli-

Sæcul. XIII.
A. C. 1256.

postolicam; obedientiam ac submissionem Papæ ac decretis ejus exhibendam, dummodo regulis evangelicis, aut conciliorum sanctionibus non sint contraria. Græci cupiebant Imperatori Theodoro Constantinopolim, & Patriarchis suis sedes ipsorum restitui, ita, ut Imperator Balduinus & Latini Patriarchæ inde discederent, excepto Patriarcha Antiochiæ, qui, quamdiu viveret, ibi toleraretur. Papa Innocentius IV. de consilio Cardinalium has in conditiones consenserat.

Attamen de reddendo Imperio nihil se posse non vocato Imperatore Latino statuere causatus, offerebat operam suam ad compositionem inter eum ac Theodorum faciendam: sin minus, se huic, quidquid æquum esset, addicturum spondebat. Ad Patriarchas quod attinet, respondebat, eos relinquendos in statu suo, donec concilium ea de re tulisset sententiam. Promittebat tamen fore, ut Constantinopolitanum Patriarcham Græcum ab eo tempore pro vero Patriarcha habeat, & si quo modo potitum urbe Imperatorem Græcum audierit, ad pristinum Patriarchatus sedem reduci curet, ita tamen, ut etiam Patriarcha Latinus in civitate maneat, suisque præsit.

Papa Alexander permisit, ut Episcopus Urbevetanus Legatus suus has conditiones, si obtinere meliores nequiret, acci-

acciperet, eumque iussit Græcos, si rei
 fusius tractandæ spatium dari cuperent,
 eo adducere, ut Legatos cum plena po-
 testate tam Imperatoris quam Ecclesiæ
 Græcæ Romam mitterent, negotium
 cum Papa præsentem confecturos. Deni-
 que Legatus habebat copiam dirigendi
 consilia ad generale concilium illis in lo-
 cis celebrandum. Reapse profectus cum
 comitibus suis Beream in Macedonia si-
 tam advenit, ubi aliquamdiu moraban-
 tur. At Georgius Acropolita magnus
 logotheta, quem Imperator Theodorus
 illi provinciæ præfecerat, hoc Principe
 jubente eos remisit. Nec ullum hujus
 legationis effectum vidimus.

Sæcul. XIII.
 A.C. 1256.

Georg.
 Acrop. c. 67.
 p. 77.

§. XXXII.

Liber de periculis condemnatur.

Legati Regis S. Ludovici, & Domini-
 canorum nuncii ante oratores Uni-
 versitatis Parisiensis Anagniam, ubi Papa
 tunc agebat, delati librum de periculis no-
 vissimorum temporum ei tradiderant. Qui
 examinandum commisit quatuor Cardi-
 nalibus, Odoni Castro-Rodolphino Epis-
 copo Tusculano, Joanni Franciogo Pres-
 bytero tit. S. Laurentii, Hugoni a S. Cha-
 ro Presbytero tit. S. Sabinæ Dominicano,
 & Joanni de Urfinis Diacono tit. S. Nico-
 lai. Retulerunt ad Papam, hunc librum
 conti-

Duboulay
 p. 310, 313.